

沈氏三先生文集

沈氏正先生文集

編三刊叢部四

集文生先三氏沈

(83713)

中華民國二十五年六月初版

本書實價國幣柒元伍角

外埠酌加運費匯費

發行人

王

上海

雲

河南

五路

印刷所

商務

上海

印書

河南

館路

發行所

商務

上海

印書

及各

館埠

沈氏三先生文集卷第五十八

雲巢卷第七

雜文

張李鴈東歸圖贊

秦穰侯就封圖贊

十才子出閔圖贊

王子猷訪戴圖贊

道林二頌

誌公贊

紂錫妲己冠幘圖

蘇州承天寺永安長老語錄序

彭城太尉詩序

花藥字序



阿耨達池右繞圖序 四明山延勝院碑

杭州吳山英烈王碑

天慶觀火星閣記

花藥山法堂碑

三遊山記

張季鷹東歸圖贊

季鷹道孤翩然歸吳誰知其志止為鱸魚

秦穰侯就封圖贊

秦相出關其車千乘將歸于穰道路疲病范睢何人
簣中餘命不煩半策奪我樽柄

十才子出關圖贊

正元詩客遠涉山林羈棲窮愁不忘嘔吟當時貴人
華屋歆淫無有丹青能傳于今

王子猷訪戴圖贊

千巖萬壑合為一谿中夜大雪玉華渺渺欲訪若人
揚舲水西飄然興盡吾將歸方

道林二頌

衆生不解修道便欲斷除煩惱煩惱本來空寂將道
便欲求道但一念心即是何須別處尋討大道曉在

目前迷倒愚人不了佛性天真自然亦無因緣修造
不識三毒虛假妄執沉淪生老昔時迷日為晚今日
覺時非早

二

我今滔滔自在不羨王公卿宰四時猶若金剛昔樂
心常不改法寶喻於須弥智慧廣於江海不為八風
所牽亦無精進懈怠任性浮沉若顛散誕縱橫自在
便使刀劍臨頭我自安然不採

誌公贊

大道常在目前雖在目前難覩若欲悟道體真莫除
聲色言語言語即是大道不假斷除煩惱煩惱本來
空寂妄情互相纏繞一切如影如響不知孰惡孰好
有心取相為實定知見性不了若欲作業求佛業是
生死大兆生死業常隨身黑闇獄中未曉悟理本來
無異覺後誰晚誰早法界量同太虛衆生智心不小
但能不起人我涅槃法食常飽

紂錫妲己冠帔圖

昔殷王紂寵嬖之妃名曰妲己時在沙丘錫之冠服

沙市三先生文集 卷八
三
嬌示以禮嬌嬌其容泐泐其止二嬪侍側龍黻金几
巧工圖鳥窠其俊美其工伊何維周昉氏

蘇州承天寺永安長老語錄序

余昔遊江南上下廬山西走泐潭造黃蘗傍淮上歷
訪諸祖道場出金陵還吳越大庾江南名為達者余
皆已知之矣後二年之荊州荊州尤多古精舍余嘗
觀古記所載名德碩老多出于荆衡襄漢之間余在
澧陵最久澧陵一障乃有夾山樂普欽山龍潭層山
五大寺南臨樂山北望玉泉聯延不絕當其盛時海

會山積上下皆數千百人地勝勢劇至子今承嗣不
衰為其師者莫不推擇其人余既從江吳淮楚之士
相與徃來蓋已多矣然其可者纔二三人古人有言
如沙中金不其然歟夫太陽之昇于天明者視其出
沒中昃豈不坦然哉至瞽者待相而後知與明者固
亡別矣明與瞽易識知與否難言此叢林所以紛紛
也維摩大士神通自在其說雖多然不可刪世之學
者樞機一發便使人掩口不暇已可厭矣蓋其心有
達不而言無多寡世之人獨知蹈襲右人言辭應對

疊疊如影響之相符以為其功碩何異於數寶者哉
不惟不充於外其中乃惺惺爾悠悠爾至於達者則
不然也永安禪師名崇智吳人張氏子初受具即出
遊諸方先受記囑心智默了遂為五祖戒禪師之嗣
戒師者先雲門三世孫也既獲五祖印可乃東歸于
吳初住文殊還永安師為吳人而繼主吳二道場其
行乃自弱齡至於耄老有足伏人者不然豈其州人
推尊之哉一日弟子崇章出其所以開示於人若弟
子者為大軸囑客不遠千里而來請余為序異哉余

豈知之者歟昔如來以正法眼藏授大迦葉蟬聯蠶緒以傳于今為佛為祖豈一人哉然迦葉不能知世尊三昧況其他乎了則為得昧則為失所以為難者非特在機辯也余方在朔野沙塵之中延首以望居以不得一接其風味為恨古人所謂說尺不如行寸余觀其言與攷其行豈特尺寸之間也若夫陟高坐運象牙奪無尋之一辯伏六道之士余不得而問之矣是斯錄矣所謂扣宮而宮應之隨機之義如是而已余欲見其人以是觀之亦何必在名山古剎之下

欽崇章所傳甲乙次第如右治平貳年玖月拾柒日
序

彭城太尉詩序

大師彭城公五言詩二章跋狀後一帖在明州寶雲
道場始吳越時大師公以諸子胙土四明每訪諸道
於尊者既入朝數以手札拳拳致焉尊者諱義通新
羅人初以其學造螺溪法師說華嚴大旨頓悟即謝
其徒傳天台教觀遂為一代法師其後門人有若知
禮有若遵式式號慈雲大師禮號法智大師是二人

者皆傳其道法智之後有若本如有若崇短有若尚
賢有若梵臻慈雲之後有若祖韶而天台之妙遂達
於天下余昔過道場見正公正乃臻公之高弟而法
師之曾孫也因觀太師公手墨愛其清健雅麗有足
尚者正方且勅諸樂石遂請余題其後蓋太師姓錢
氏諱惟治字世和少好學善書在藩時夜夢朱衣人
以土壅其頰頰云是金天王使者及西遷出刺華州
踰貳拾年乃驗官至神武統軍贈太師載在國史云

熙寧五年十一月十六日序

沙門三先生文集 卷八
花藥字序

禪師初出家依萬杉宣公宣公為一代老德以為法器也名之曰義然已落髮受具密示心印行化諸方凡十有七年止於萬壽始轉法輪為人天師後十年遷于花藥與余會於零陵為法樂之友而禪師所以表德者有所不稱余請易焉余謂以無為法者其未然也義無乎在及其然也義無乎不在經曰諸法如義不其然歟若夫為一大事出現於世不能大濟含識者定非佛子其所然者亦嘗大濟於人乎請以大

濟表德昔馬祖謂丹霞曰我子天然遂名天然萬杉之意正謂禪師能默契諸義有足然者乎苟曰然無有是處因箸其大方以示知者

阿耨達池右繞圖序

釋氏右繞久矣自允堪律師亂之於是始訟堪不能讎其義而入滅師堪者張為奇說而世人或疑之於是淨戒基上人出阿耨達池圖而疑者泮焉西域記云阿耨達池東面銀牛口流出殍伽河繞池一匝入東南海南面金象口流出信度河繞河一匝入西南

海西面瑠璃馬口流出縛葛河繞池一匝入西北海
北面頰肱師子口流出徙多河繞池一匝入東北海
南山宣律師方志云阿耨達池唐言無熱惱池也東
有銀牛口出瑋伽河右繞池一匝流入東南海上加右字
餘皆所謂右繞者東迴南轉也東迴南轉者繞池匝
類此而後入于海東迴北轉者繞池不匝而遂入海繇是
而言東迴北轉為右繞者謬矣世之學者當以西域
記與方志為信云熙寧元年六月望日序

四明山延勝院碑